

## **Acta sanctorum**

quotquot toto orbe coluntur, vel a catholicis scriptoribus celebrantur, quae  
ex Latinis et Græcis, aliarumque gentium antiquis monumentis

Quo dies primus et secundus continentur

**Bolland, Johannes**

**Parisiis et Romæ, 1866**

Caput II. Bruno una cum sociis suis ad Hugonem, Gratianopolitanum  
episcopum, venit, Cartusiæ eremum ab eo obtinet, austere admodum in  
hac vivit, ac post sexennium circiter a Pontifice evocatur, ...

---

[urn:nbn:de:hbz:466:1-73889](#)

A

## ANNOTATA.

a Sanctus hic Pontifex ad S. Petri Cathedram anno 1075 fuit electus, annoque 1083 obiit, ut ad 25 Maii diem, quo colitur, Romanoque inscriptus est, in Comment. Vitæ ejus prævio docuimus.

b Henrico patri anno 1036 sucessit, annoque 1106 vivere desit, uti ad ultrumque hunc annum Pagius in Criticis aliisque scriptores docent.

c Quid de tota illa luctuosa damnata historia sentiendum sit, colligere potest studiosus lector ex iis, quæ in Commentarii prævio § 10 et tredicim sequentibus fuse in rem illam disputata sunt. Notet interim in primis, horrendi prodigiæ narrationem, a Puteano hic suppeditatam, a narratione, quam concinnata ab antiquo Sancti nostri biographo Vita complectitur, non parum in adjunctis discrepare. Præterquam enim, quod hæc sepulturæ in sterquilinio non meminerit, prodigium non publice in ecclesiæ, uti hic Puteanus ait, sed intra privatos domus defuncti parietes, cum corpus ejus, terra mandandum, ad ecclesiam deferendum esset, evenisse refert, licet interrim, non secus ac Puteani narratio, rem coram ingenti populi multitudine gestam memorie prodat.

B d Fuerintne S. Brunonis xtate ulce in Parisiensi defunctorum Officio Lectiones recitare, est dubium, uti etiam an, si vere recitata fuerint, una ex hisce a vocibus Responde mihi incepit. Adi Commentarii prævio num. 228 et seq.

e Sanctum nobili genere Colonice Agripinx natum esse, inter omnes convenient.

f Brunonem scholarum seu, quemadmodum hic scribitur, scholarium, non Parisiensum, sed Remensis magistrum existisse, in ejus elogio, Commentarii prævio num. 7 dato, diserte traditur. Neque vero Sanctus, dato etiam, eum ferali damnati prodigio Parisiis adstisset, litteras unquam ibi docuit, uti ostendunt, quæ hoc facientia Comment. prævio § 8 adduci in medium.

g In primis scilicet duo Commentarii, quorum alterum in Psalmos, alterum in omnes S. Pauli Apostoli Epistolas concinnavit. Adi Commentarii prævio § 42.

h De Landuino, aliisque, quos Sanctus allocutus hic memoratur, uti etiam de S. Rufi monasterio videsis, quæ Commentarii prævio num. 455 et aliquot seqq. adducta sunt.

i Ad divitem Epononem hic alluditur.

k Marci cap. 1, § 13.

l Ita fere Lucx cap. 15, § 3.

m Matthæi cap. 11, § 14.

n Matthæi 5, § 2.

o Ita fere Lucx 5, § 7 et 8.

p Act. 5, § 19.

q Act. 9, § 58.

r Jeremix cap. 18, § 8.

s Ecclesiastici cap. 2, § 22.

t Proverbiorum cap. 1, § 24, et quatuor seqq.

u Epist. 1 Joannis, cap. 2, § 16.

x Ita fere Osee cap. 4, § 1.

y Paulo aliter Jeremix 4, § 25 et binis seqq.

z Non quod ea haud fuerint vere pœnitenti peccata antecedentes remissa, sed quod, quirelabitur, relatum ex eadem fructum amittat.

aa Eam scilicet, qua quis, relicto peccato, ad perfectionem contendat.

bb Lucre cap. 14, § 55.

cc Ita fere Matthæi cap. 19, § 21.

dd Matthæi 19, § 25.  
ee Ita fere Proverbiorum cap. 11, § 28.

ff Ecclesiastici 41, § 10.

gg Epist. 1 ad Timotheum cap. 6, § 9.

hh Adi Psalmum 34, § 5, et quinque seqq.

ii Psalmo 62, § 5.

kk Exodi cap. 5, § 5.

ll Ita fere Jeremix cap. 9, § 2.

mm Threnorum cap. 5, § 27 et 28.

nn Ita fere Osee cap. 2, § 14.

oo Cantic. Canticor. cap. 8, § 3.

pp De hoc monasterio videsis Commentarium prævium num. 456.

qq De sancto hoc antistite, de quo ad diem 1 Aprilis, quo colitur, actum apud nos jam est, videsis etiam, quæ Vitæ præced. subnexa sunt, Annotata ad lit. g.

rr Guigo, de S. Brunone ejusque sociis, ad S. Hugonem, Gratianopolitanum episcopum, acceditibus, in scripta a se Sancti hujus antistitis Vita verba faciens, solum ex illis Hugonem, qui capellanus dicebatur, sacerdotio functum fuisse, tradit; illum autem Puteanus ita hic interpretatur, ut significatum dumtaxat voluerit, Hugonem tunc solum existuisse, non quidem qui sacerdotio initiatus esset, sed qui praeterea dignitate seu canonici seu pastoris auctor ficeret? Verum hujusmodi interpretationem verbis Guigonis (vide hæc ment. prævio num. 442) parum admodum esse accommodam, quis non videat?

ss Ezechielis 18, § 21 et sequenti: Si... impius egerit poenitentiam.... omnium iniquitatum ejus... non recordabor.

tt Apocalypses 18, § 7.

uu Deuteronom. 25, § 2.

xx Ita fere Jeremix 31, § 6.

yy Jeremix 50, § 8.

zz Jeremix 48, § 6.

aaa Ita fere Zacharie 2, § 6.

bbb Ita fere Jobi 19, § 29.

ccc Cant. Cantic. 8, § 14.

ddd Benigna interpretatione hic indiget biographus; neque enim, Jonam, uti velle videtur, periisse seu damnatum esse, putandum est.

eee Adi, quæ in Vitam præced. ad lit. h annotata sunt.

AUCTORE  
FRANCISCO  
A PUTEO.

## CAPUT II.

F

**Bruno una cum sociis suis ad Hugonem, Gratianopolitanum episcopum, venit, Cartusiæ eremum ab eo obtinet, austere admodum in hac vivit, ac post sexennium circiter a Ponifice evocatur, vocantique obtemperare statuit.**

Factum est autem, dum appropinquarent civitati, vidit idem episcopus in somnis Deum, in solitudine Carthusie dignum sibi habitaculum construcentem. Vidi etiam stellas septem aureas, in modum coronæ dispositas, a terra paululum Sanctus ejusque socii Gratianopolim adveniunt, benignaque ab Hugone episcopo,

AUCTORE  
FRANCISCO  
A PUTEO.

a

paululum elevatas, et a ceteris, quae in firmamento sunt, in situ, motu, colore et splendore differentes, ejusdem numeri viris septem (tot enim ipsi erant) itineris ducatum praebentes a. Mane autem facto, cum esset super visione hujusmodi sollicitus, affuerunt pulsantes ad fores episcopalis palatii dicti septem viri, beatus scilicet Bruno cum suo, licet brevi, sancto tamen collegio. Quod cum fuisset eidem episcopo nunciatum, confessim jubet eos introduci. Ipsi vero ingressi, et ad pedes ejus humiliter prostrati, petita et obtenta benedictione, sui ad eum adventus causas enarrantes, petierunt, ut locum aliquem dignaretur eis in sua dioecesi ostendere, et sua benigna clementia, pia ergatione concedere; in quo a mundi hujus periculis, et ab hominum ceterorum consortio segregati, desiderium suum perficere, soli Deo digne servire, et dignum ipsi habitaculum possent extrudere.

*quovis sibi  
oblatu desig-  
nari illos  
putat, exci-  
piuntur.*

50 Haec audiens beatissimus episcopus, tanquam non amplius de visione, quam jam impletam videbat, sollicitus, eos cum ingenti gaudio, non solum gratanter, sed etiam reverenter suscepit, et benigne tractavit. Quibus et B visionem illam, quam nocte illa per somnum viderat, enarravit, et ait: Fratres et filii mei in Christo dilectissimi, propositum et desiderium vestrum non solum non reprobato, sed etiam vehementer commendo. Mundus enim iste, talibus et tantis plenus est laqueis, periculis, calamitatibus et miseriis, ut electos plerunque cogat prospera queaque despiciere, et Deum per adversa querere, cum non possint Deum simulcum mundo diligere. Nam duo isti amores duas civitates constituant, que sibi invicem adversantur, Dei scilicet et diaboli. Deus autem bonus, immo summum bonum est. Mundus vero totus in maligno positus est. Hinc prae ceteris magis dilectus Apostolus ait: Si quis diligit mundum, non est charitas Patris in eo b. Unde cum decrevisset Deus Sodomorum civitates delere, ait angelus ad beatum Loth, qui ad Dei civitatem pertinebat, Salva, inquiens, animam tuam, et noli respicere post tergum, nec stes in omni loco circa regionem, sed in monte salvum te fac, ne et tu similiiter pereas c. Sancti enim illi, quibus dignus non erat mundus, Apostolo teste, egentes, angustitatis, afflicti, circuerunt in melotis, in bellis caprinis, in soliditudinibus errantes, in montibus et speluncis, et in cavernis terrae d.

Ac primo qui-  
den ab eo, qui  
de propensi  
illorum diffi-  
cilitate

e

\* i. e. non  
habitate

51 Et ideo testimonio fidei probati inventi sunt. Quorum vestigia sequi et imitari laudabile est et utile, sed difficile in regionibus istis frigidis maxime, quae non sunt sicut Egyptus, Thebais, Scythia e, aut Palestina. Est enim in montibus istis altissimus, quos cernitis inter ceteras soliditudines, eremus quadam, qua Carthusia nuncupatur, decem fere miliaribus a civitate distans, ampla quidem, sed penitus inhabita\*, solis feris pervia; hominibus vero et ceteris mansuetis animalibus propriè loci asperitatem pene incognita, altis et tanquam excisis hinc inde rupibus et scopulis circumvalata, infructuosis arboribus consita, supra modum frigida, et pro maiore parte temporis nivibus operata, et adeo prærupta, sterilis et infructuosa, ut nihil in ea seri valeat sive meti. In cuius medio est quidam parvus fluvius, qui Gnerus mortuus, quasi quedam imago mortis, dicitur, ex circumstantibus undique montibus collectus, et cum strepitu maximo, torrentium

aut inundantium aquarum more, fluens. Ad D quam quidem Carthusianam eremum est accessus gravis et laboriosus, ingressus vero difficilis et periculosus, utpote inter duas mirae altitudinis rupes, qua velut rectæ lineæ sursum se erigunt, et in culmen tandem pene coeunt, ita ut introeunibus horro sint et terrori.

52 Et ut paucis agam, tanta est loci illius asperitas, tantus horror, ut carcer potius aut purgatorii locus, quam humanæ vitæ habitaculum dici possit f. Unde difficile videtur sine singulari dono Dei, apud quem nihil est impossibile, homines illic habitare posse, aut saltem diu perseverare; scitis autem, fratres mei, quam grave sit post missam manum ad aratrum retro aspicere. Unde metuendum est exemplum uxoris Loth, quæ retrospectit, et ubi aspergit, ibi remansit, et in salem conversa est, ut suo prudentes condire exemplo g. Quum autem verbis illis finem fecisset beatissimus episcopus, B. Bruno respondit: Reverendissime pater, terribilis profecto est, et taedium, et jam in parte cerimus, locus iste. Nos autem locum tales ad penitendum querimus. Et quoniam infirmi sumus et fragiles, in Dei tamen, qui potens est, miserericordia confidimus, et speramus, ut qui nobis dedit hue veniendi voluntatem, dabit et perseverandi potestatem, cum non sit abbreviata manus ejus, quo minus, sicut olim, ita et nobis nunc magnalia sua possit ostendere. Ipse enim scupulos torrentium inclinavit, ut requiesceret populus in Arnon, et recumeret in finibus Moabitarum. Ipse Jonathan et armigerum ejus, reptantes manibus et pedibus, per eminentes petras et scupulos, in modum dentium præruptos, de hostiis manibus, data ipsis de illis Victoria, liberavit.

53 Ipse tantam multitudinem filiorum Israel et vulgus innumerabile in deserto manna de calo missa nutritiv. Nunquid et nunc panem dare non poterit, aut parare mensam populo suo? Ipse corvis præcepit ut pascerent Heliam in Carmelo, qui et paverunt Paulum in Egypto. Ipse prandium, quod messoribus Abachus paraverat in Iudea, Danieli misit in Chaldaem. Ipse panes in deserto multiplicavit, ex quibus tantum hominum multitudinem satiavit. Ipse dat jumentis escam ipsorum, et pullis corvorum invocantibus eum. Ipse pascit volatilia cali, quæ non serunt, neque metunt, neque congregant in horrea. Nonne et nos Domino pluris sumus illis? Non itaque, etiam si nobis defuerint humana solatia, de Dei præsencia diffidemus, et providentia, cum potens sit de lapidibus istis, quos vidimus, panes facere, et aquam in vinum convertere. Qui etiam, quum voluerit, potens est dare nivem sicut lanam, et nebulam sicut cinereum spargere. De tanta igitur ejus potentia et bonitate confisi, iterum ac iterum humiliter supplicamus, ne desiderium nostrum ultra differas, aut nos in hac nostra petitione confundas h. Tunc beatus Hugo, eorum constantiam, et in cepto proposito perseverantiam considerans, ne eorum vocationi, et divina voluntati resistere videretur, ait: Desiderium vestrum, dilectissimi, ego pariter implere desidero, nec ideo distuli, ut auferatur, sed ut dilatione potius augeatur.

54 Vident itaque voluntatem vestram, in Christi charitate radicatam et fundatam, vobis et iis, quos eadem charitas vobiscum traxerit, nunc et in posterum, fratres, locum prædictum, et quicquid

*nonnulla dis-  
serit, e Bru-  
nonis verbis*

f

g

*pleni in Deum  
fiducia con-  
stantesque  
deprehensi*

h

*Cartusia ere-  
mo donatum,  
tum vero,*

A quicquid juris vel actionis in eo habeo, plena libertate concedo. Et hoc idem a ceteris omnibus, qui jus aliquod in eo habent, fieri procurabo, vobisque et vestris omnibus omnem possibilem mihi humanitatem, quamdiu vero, libenter exhibeo. Et nihilominus pro pace et quiete vestra ad removendum ea, quae vestro proposito contraria sunt, domum uam super pontem, qui inter duas rupes praedictas situs est, in introitu dictæ solitudinis aedificari volo, et auctoritate divina prohibeo, ut feminae per terminos vestros nullatenus transeant, neque viri arma portantes. Prohibeo pariter intra dictos terminos pescationem, venationem, et avium captionem, ovium, caprarum, atque omnium domesticorum animalium pascua et transitum, Deum rogans, ut obedientes huic nostræ donationi et prohibitioni in sua gratia multiplicet, et in omnibus bonis, quæ ibidem usque in seculi finem gerenda sunt, partem eisdem tribuat; inobedientes vero divino iudicio puniendo relinquo, quos et per secularem potestatem puniri curabo.

*i  
Deo prius, ut  
ipsis adesse  
dignetur, in-  
vocato,*

B 55 His dictis, surgens amplexatus est eos, flevitque præ gaudio super singulos eorum, laudans et benedicens Deum de adventu ipsorum. Et deinde beneditis eis dicens: Omnipotens semperiter Deus, cujus misericordia nec mensuras ponere possumus, nec tempora definire; qui, quos vis, vocas, et quos vocas, hos justificas et magnificas, respice, quæsumus, oculis clementiae tuae super hos famulos tuos, quos ad tuæ servitutis obsequium invitare dignatus es, et praesta auxilium gratiae tuae, ut, quæ tibi placa sunt, tota virtute perficiant. Reple eos venerabilibus virtutibus tuis, quibus muniti, carnis, mundi et dæmonum insidias superare, et inde Victoria coronam immarcessibilem recipere valeant, crescere eos facias in mille millia, et eos, necon et illos, qui eorum vestigia secuti fuerint, et in dictæ solitudine usque in finem vite sue in vera humilitate et charitate perseveraverint, ab omni culpa et pena liberos, Sanctorum tuorum collegio sociare digneris. Per Christum Dominum nostrum. Amen.

*in eam etiam  
ducuntur.  
Cellulas ibi-  
dem edifi-  
cant,*

C 56 Post hæc autem, quia dictus Bruno et ejus sodales omnes erant propter itineris labores non modicum nec immerito fatigati, retinuit eos idem beatissimus episcopus in suo episcopali palatio, et eos sua solita benignitate procuravit et recreavit per dies aliquot. Quibus expletis, et preparatis ac dispositis omnibus, quæ necessaria erant in via, ascenderunt in montem et intraverunt ac inhabitare coeperunt dictam eremum Carthusia circa solemnitatem nativitatis sancti Joannis Baptista, anno salutis nostra supra millesimum octogesimo quarto k, antecedente et dirigente eos, ac in omnibus et per omnia adjuvante, et de necessariis providente præfato beato Hugone episcopo l. Et ibidem in parte superiori montis, que nunc dicitur Ad beatam Mariam de Casalibus, aedificare coeperunt ecclesiam, necon et parvas cellulas, non longe a dicta ecclesia distantes, circa quedam fontem, qui usque in præsentem diem vocatur fons Brunonis, de se tamen invicem distinctas et aliquantulum separatas, ne alter alterius solitudinem impeditret m. In quibus singuli per singulas more illorum antiquorum Ægyptiorum monachorum habitabant n. Ubi silentio, lectioni, orationi, atque operi manuum, maxime in con-

*Octobris Tomus III.*

scribendis libris, jugiter insistebant o. Qui exinde dicti sunt Fratres Carthusienses, a nomine loci nomen sibi imponentes, a quibus etiam Ordo iste Carthusiensis originem sumpsit pariter et nomen.

57 Ipsi enim septem (beato Brunone cæteros, qui sibi eum in Priorem et animarum suarum pastorem elegerant, et cuius obedientiae, beato Hugone episcopo annuente, se submisserant, diligente p) volentes mundum, quem reliquerant, et que in mundo sunt, omnia, quæ sunt concupiscentia carnis, concupiscentia oculorum, et superbia vitæ, sibi subjicerent, quandam vivendi normam satis arduam instituerunt, quam et ipsi tenuerunt, et posteris suis tenendam mandaverunt. Nam contra superbiam, quæ initium est omnis peccati, et contra ejus nefandam solem, invidiam scilicet, ambitionem et vanam gloriam, et si qua sunt alia, fecerunt sibi vestes breves et angustias de grosso panno albo, vili et rudi, quæ eos contemptibiles intuentibus redherent et abjectos, et illis horrori essent potius, quam ipsis honori. Et quanvis in sordido habitu interdum superbia lateat, fecerunt tamen ipsi ad eam profugandam, quicquid facere potuerunt. Contra cupiditatem vero, quæ radix omnium malorum dicitur, et avaritiam, quæ idolorum servitus nuncupatur, certos terminos juxta locorum suorum fertilitatem aut sterilitatem majores minoresque præfixerant, ita ut extra eos, etiamsi totus mundus eis offerretur, nec saltem, quantum pes humanus occupare potest, licet possidere.

58 Certum etiam numerum, quem transgredi nullo modo liceret, animalibus et pecoribus imposuerunt. Et ut non esset eis quandoque necessarium, vel plus terre quam dictum est, possessioni sue addere, aut pecorum numerum augere, duodecim tantum monachos cum tertio decimo Priore, ac sexdecim conversis, paucis mercenariis, nullo prorsus superaddito, in suis dominibus esse perpetuo decreverunt. Ad edocmandam autem carnis concupiscentiam, et legem membrorum, quæ repugnant legi mentis, duris semper ad carnem cilicis utebantur. Secunda, quarta et sexta feriis, pane et aqua et sale, sicu placebat, contenti erant. Tertia vero, quinta et Sabbato legumina vel aliquid hujusmodi et vinum, et in feria quinta etiam caseum vel aliquid aliud a coquinario recipiebant, ab omni tamen eti carnium tam sani quam infirmi perpetuo abstinebant. Panes albos non comedebant, sed solum tortas q, licet de tritico. Vinum purum nunquam bibebant, sed bene dilutum, quod vocant limphatum, et hoc dumtaxat in prandio et cena, et diebus illis, quibus eo uti et cenare licet. Jejunii feri continuis et prolrix vigiliis carnem macerabant. Pisces nunquam emebant, sed si forte gratis eis dabantur, eos in charitate recipiebant, et juxta offerentium voluntatem (diebus tamen, quibus eis vesci licet) distribuebant.

59 Officium divinum, diurnum pariter et nocturnum, tam in ecclesia, diebus et horis illis, quibus in eam convenienter, quam per cellas, non perfuntorie, ut quidam, sed intensissime, oculis in terram demissis, cordibus vero in cœlum fixis, devotissime persolvebant. Totum quoque suum, tam interiore quam exteriore, hominem habitu, voce, vultu, rebus visibiliæ excedentibus, spretis cunctis aliis, intentum,

AUCTORE  
FRANCISCO  
A PUTEO.

o

vivendique  
modum,

p

cujus capita  
aliquot

F

hic recensem-  
tur, admodum  
austerum  
tenent,

AUCTOR  
FRANCISCO  
A PUTO.

immo affixum Deo, exhibebant. Diebus vero Dominicis et certis Sanctorum festivitatibus tantum antiquorum eremitarum more, ne ab aliis sacris operibus, licet dignitate inferioribus, impeditarentur, Missas Sacrificium offerebant, quo omnes pariter conveniebant. Et ipsis diebus in refectorio simul ad ritum monachorum comedebant. Aliis vero diebus in cellis suis sub arcto silentio, orationi, meditationi, contemplationi, et ceteris piis et devotis exercitiis sine intermissione vacabant, ita ut, ubi prius fuerant specus et cubilia ferarum, tunc videres choros castorum, cuneos prophetarum, conventus monachorum, et ceteros angelorum r.

Hugonem erga se benevolum semper habentes.  
Cartusianum biographus,  
quod hosce,

40 Memoratus autem episcopus sanctus Hugo, eos frequenter visitabat, et ut filios tenerime diligebat; quos usque ad mortem suam et non tantum eos, sed et qui eis exinde successerunt, consiliis semper fovit, et beneficiis. Eratque inter eos, non ut dominus aut episcopus, sed ut socius, et frater humilissimus, et ad cunctorum (quantum in ipso erat) obsequia paratiissimus. In tantum autem devotus eremum incolebat, ut cum interdum beatus Bruno inde exire et ad oves suas redire compelleret. Ite, inquit, ite ad oves vestras, et quod eis debetis, exolvite s. Ipso etiam beatissimo episcopo instante et procurante, circumvici omnes, tam ecclesiastici quam nobiles et populares, videntes beatum Brunonis et ejus sodalium tam sanctam ac tam honestam ac devotam conversationem, dederunt eisdem, quicquid juris habebant in dictis monibus, et intra fines et limites dicte solitudinis z. Isti itaque sunt, o felix Carthusia, primi patres illi, qui hanc vastam solitudinem primi inhabitate coepérunt, et in ea Ordinem hunc, qui a te nomen velut olem ubique terrarum effusum accepit, primi fundaverunt. Isti sunt septem columnæ, quas Sapientia exedit, et in quibus sibi domum adificavit. Isti sunt septem boves ascendentis de fluvio, et septem spicæ in culmo uno. Et septem buccinæ, quarum usus erat in jubileo.

ad quorum septenarium numerum

41 Isti sunt septem candelabra, in quorum medio Joannes scribens septem ecclesiis, que erant in Asia, perhibet se vidisse similem filio hominis, vestitus podere, tenentemque in dextera sua septem stellas, qua septem ecclesiæ sunt angeli; et in medio throni agnum stantem, habentem cornua septem, et oculos septem, qui sunt septem spiritus Dei, in omnem terram missi. Isti sunt septem sportæ fragmentis plenæ, et septem signacula libri clausi, et septem viri, Spiritu Sancto pleni, quos in diaconos ad ministrandum elegerunt Apostoli, et septem gradus, quos vidit Ezechiel ad ascensum exterioris atrii. Iste est septenarius, propter septem Spiritus Sancti dona sacratus. Iste septenarius numerus primus in monadibus perfectus est redditus ex suis partibus aggregatus. Nam unum et sex, duo et quinque, tria et quatuor, que sunt partes ejus aliquotæ, septem faciunt. Hinc est, quod septimus dies, et septima hebdomada, et septimus mensis, et septimus annus, tanquam perfecti, erant lege feriati.

diversimode  
hic alludit,

42 Septem etiam diebus agitur et repetitur omne tempus. Et septimo die cessavit Deus ab omni opere. Et septimo die Christus in sepulcro quievit. In quibus omnibus notatur hujus sacrati septenarii numeri, et in eo hujus sacre Religio-nis (quea ab ejusdem numeri viris istis septem

primo instituta est) perfectio. Quæ recte figura dicitur per stellas illas septem, quas in eorum adventu beato Hugoni Dominus demonstravit, tam propter magnum hujus septenarii sacramentum, quam propter stellarum sublimitatem, stabilitatem, claritatem, puritatem, et quantitatem. Istæ namque virtutes Religiosis omnibus nedum convenient, sed etiam necessaria sunt : qui debent sicut stellæ esse in caelo, per contemplationem et mentis affectum, non in terra. Nam species celi est gloria stellarum, ait Sapiens u, secundo debent esse in cœpto religiosis proposito firmi et stabiles. Nam ideo posuit Deus stellarum in firmamento, ut essent in signa et tempora, et dies, et menses et annos. Unde scriptum est, quod stellarum manentes in cursu suo et ordine, pugnaverunt contra Sisaram x, id est, contra diabolum : sic enim Sisara interpretatur : Excludens gaudentem. Tertio debent esse in tribulatione patientes, ut sint sicut stella matutina in medio nebulae.

43 Fecit enim Deus lunam et stellas, ut praesent nocti. Quarto sicut in stellas non cadit corruptio, nec casus, nec error secundum Philosophum, ita et ipsi debent servare carnis integritatem sine corruptione, ut dicere possint illud Apocalypsis : Ego sum genus et radix David, stella splendida et matutina y. Et ne de eis dicitur, quod stellæ non sunt mundæ in prospectu ejus. Quinto, sicut stellarum quilibet major est tota terra, quamvis brevis et quasi punctalis, et modica videatur in exteriori apparentia, sic Religiosi debent semper crescere per charitatem, minui vero per humilitatem. Haec enim duo, humilitas scilicet et charitas, sunt duo religionis extrema, initium et finis, sine quibus cetera, quæ medianæ, omnia sunt potius pena, quam merito digna. O igitur iterum atque iterum felix Carthusia, tamdiu sterilis, nunc vero fœcunda! Felices montes, qui tales meruerunt habere incolas et cultores! Felix denique Religio ista divinitus instituta, qua Religiones ceteras post Augustinum et Benedictum antiquitate præcedit, et has illas etiam vite austeriorate! De cuius origine haec pauca, ut ad cœptum propositum redeamus, sufficient.

44 Beatus itaque Bruno, de quo nobis sermo, in hac vita austeritate cum suis in dicta solitudine fere sex annorum spatio perseveravit, die ac nocte sine intermissione jejuniis, orationibus et aliis exercitiis religiosis vacans z. Contigit autem, ut, mortuo Gregorio septimo Pontifice Romano, succederet ei in Papatu Victor Tertius; quo item post paucos menses mortuo, successit ei Urbanus secundus, prius dictus Otho, monachus et abbas Cluniacensis, qui ejusdem beati Brunonis, dum in minoribus agebat, fuerat discipulus aa. Qui paulo post sui assumptionem ad Apostolatus apicem, non immemor doctrinae et probitatis ejusdem beati Brunonis, sui olim preceptoris, volensque in sibi a Christo credita administratione ejus utili consiliis, vocavit eum ad sanctæ Romanæ Ecclesiæ obsequium, addito etiam obedientiae precepto. Dicitus vero beatus Bruno, percepto hujusmodi mandato, non modicum turbatus est, quippe qui jam solitudinis dulcedinem gustaverat. Tenebat enim eum Maria, ut quiesceret, trahebat Martha, ut laboraret, rogabant fratres, ne se desereret, Papa, ut obediret. Terrebat curia, si illuc accederet : conscientia vero

habitatores  
nacta sic, fe-  
licem prædi-  
cat. E

y

Bruno ex ea  
ab Urbano II  
Papa evoca-  
tur.

z

aa

A vero timorata ignorabat, quid in re tam perplexa ageret.

Pontifici obtemperandum statuit,

45 Tandem obedientia vicit. Sciebat enim, quod vera obedientia moras non recipit, nec excusationem aut dilationem admittit. Hinc ad fratres et discipulos suos ait: Manere vobis cum, fratres mei dilectissimi, gratissimum; a vobis separari gravissimum; mandatis vero Apostolicis obedire necessarium mihi est. Nam in majoribus est regendi ac jubendi authoritas; in minoribus vero obsequendi necessitas. Unde quasi peccatum ariolandi est repugnare, et quasi scelus idolatriæ nolle acquiescere, propterea quod Apostolus ait, ut omnis anima sublimioribus potestatis subdita sit, quia non est potestas nisi a Deo; quae autem a Deo sunt, ordinata sunt, et qui resistit potestati, Dei ordinationi resistit: qui autem resistit, ipse sibi damnationem acquirit <sup>bb</sup>. Quid igitur mihi prodesset exterius hic vobiscum jejunis et abstinentiis carnem attenerere, et per inobedientiam, anima mea damnationem acquiregere? Nolite itaque, fratres, super recessu meo contristari, ne superaddatis dolorem dolori, sed potius in evocatione, in qua vocati estis, perseverate. Et ego, exulta mili injuncta obedientia, ad vos revertar, Domino concedente.

abiensq; Si-  
guino, Casse-  
Bei abbati,  
locum resi-  
gnat.

46 Tunc omnes cum lachrymis et ejulatu magno clamare cecperunt dicentes: Cur nos, Pater, deseris, aut cui nos desolatos relinquis? Tu es enim post Deum omnium spes nostra, totumque refugium. Tu nobis in adversis præsidium, in prosperis solatium, in temptatione consilium, in infirmitate subсидium. Quid igitur, te recedente, faciemus, aut ad quem, te absente, recurremuss? Erimus profecto sicut oves errantes non habentes pastorem. Si igitur ad Romanum Pontificem obedientia trahat, trahet nos tecum supereminentis charitas, que est in Christo Jesu, quam separare non poterit, neque mors, neque vita, neque creatura aliqua. Beatus itaque Bruno haec audiens, timens, ne propter suum surorum inde discessum locus prædictus, jam Deo dicatus, ad manus laicas et prophanas iterum deveniret, nolensque illum omnino deserere, sed post expletam sibi impositam penitentiam eum intendens cum suis repete, commendavit et dedit illum venerabili viro domino Sigino, abbatu monasterii Casse Dei, qui fuerat unus ex primis donatoribus prædictis, et habebat quandam cellam sibi vicinam prope Gratianopolim subter castrum Curnilhionis cc.

cc

#### ANNOTATA.

a Quid de hic memorata stellarum septem visione, S. Hugoni, Gratianopolitanus episcopo, divinitus oblata, ejusque adjunctus, que hic referuntur, nec tamen in Guigone, sancti hujus auctiatis biographo, aliore vade antiquo fundantur, sentiendum sit, Commentarii prævii § 23 vide expostum.

b Joannis Epist. 1, cap. 2, § 45.

c Ita fere Genesios 19, § 17.

d Ad Hebreos cap. 11, § 57 et 58.

e Loquitur hic indubio noster biographus, non de Scythia, Septentrionali Asiae regione, in qua non minus, quam in terrarum tracta, Carthusie eremum complectente, frigida est aeris temperies, sed de Egypti deserto Schetes seu Sciti, Scythia etiam a nonnullis nuncupato, quod, non secus atque alias Egypti ac Palestinae solitudines, ingens olim, ut apud Rosweydem in Vitis Patrum

videre licet, anachoretarum multitudo incolebat. f Ut, quam horrida fuerit Cartusia solitudo, antequam hanc cum sociis suis Sanctus noster in grederetur, distinctius explanatum invenias, adi Commentarium prævium § 26.

g Orationem hanc, seu exhortationem, quam S. Hugo ad Brunonem ejusque socios habuerit, penitus esse a biographo confitam, unusquisque, quantum opinor, propense in animum inducit.

h Esse pariter Brunoni hanc responsionem pro arbitrio hic affectam, uti et Hugoni verba, quæ proxime subduntur, indubitatum appareat.

i Mabillonius Præfatione in Sxculi sexti Benedictini part. II, num. 86 meminit chartæ, mense Julio anni 1084 ad diæcesis Gratianopolitanæ, in qua Cartusia sita est, presbyteros ac laicos date, in qua, ne fœminæ per Carthusiæ fratrum, qui Deo placere cupientes, mundum et turbas fugiebant, terram transeant, et ne quisquam intra terminos ipsorum possessionis pescationem aut venationem exerceat, et sua animalia pascenda deducat, Hugo episcopus præcepit; verum ego, facta licet diligentissima indagine, chartam illam nuspam invenire quivi.

k Recte hanc Brunonis in Cartusiam ingressi, sui epocham a Puteano hic præstui, liquet ex iis, que Commentarii prævii num. 476 et seqq. adduxi.

l Vera hic prædicari, liquet ex iis, que Commentarii prævii num. 509 et seq. dicta sunt.

m De fonte, S. Brunonis nomine hodieque distincto, alisque, hic memoratis, consule Commentarium prævium § 27.

n Puteanus, qui in plerisque, quæ de S. Bruno ejusque sociis, Cartusiam primum ingressis, scribit, cum Blomenvenna consentit, perperam ab eo hic dissentit; illos enim tunc, non singulos, sed binos singulas inhabuisse cellas, Guigo in Hugonis, Gratianopolitanus episcopi, Vita, ut Commentarii prævii num. 473 videre licet, memoria prodit; hoc autem scriptore, utpote synchrono fideque dignissimo, standum est, etiæ inter Cartusiani hanc dudum post Sancti obitum non bini, sed singuli singulas cellas occuparint.

o Consule Comment. præv. num. 487.

p Cum Sanctus, antequam in Cartusiam se abderet, aliquandiu eremite, ut Commentarii prævii num. 414 et aliquot seqq. docui, in Siccox-Fontanæ solitudine vixerit, dubitandum apparet, an a sociis, in Cartusiam eum secutis, in Priorem, cum nondum cum hisce ad Hugonem, Gratianopolitanum episcopum, venisset, electus non fuerit, contra ac iis, que hic scribit, Puteanus existimasse videtur.

q Consuetudinum Guigonis cap. 54, num. 5 ita habet: Panis, quamvis de tritico, torta est: panem enim album non facimus: Massonus autem in Opero, quod Annales Carusienses inscripsit, in Annot. ad dictum cap. tortam interpretatur panem subrufum.

r De vivendi norma, quam Sanctus ejusque socii in Cartusia tenerint, videsis Commentarii prævii num. 483 et binis seqq.

s Sanctus vere ita Hugonem, Gratianopolitanum episcopum, obsequenter habuit. Consule Commentarii prævii num. 502.

t Instrumentum, quo id illi fecerunt, Commentarii prævii num. 505 et seqq. integrum dedi.

u Ecclesiastici 45, § 10.

x Judic. 5, § 20.

y Apocalypses cap. 22, § 16.

z Notata adi in Vitam præced. ad lit. r.

aa Videsis

AUCTORE  
FRANCISCO  
A PUTEO.

AUCTORE  
FRANCISCO  
A PUTEO.

aa *Videsis, quæ in Annotatis in Vitam. præced.*  
*ad lit. q adduxi.*

bb *Ad Roman. 15, v 1 et 2; ibi tamen pro hisce vocibus.* Quæ autem a Deo sunt, ordinata sunt, istæ alia de potestatibus leguntur: Quæ autem sunt, a Deo ordinatae sunt.

cc *Charta, qua id Sanctus fecit, reperta postea*  
*hanc fuit. Adi Comment. prævii num. 529.*

### CAPUT III.

**Sanctus e Cartusia Romane confert, secutis huc discipulis, ut Cartusiam repetant, suadet, ipseque in Calabriæ, obtenta a Pontifice secedendi facultate, recusatoque Rhegiensi archiepiscopatu, deserta sese abdit, benevolum ibi erga se comitem Rogerium habet, novas ecclesias condit, sanctissimeque vivit ac moritur.**

Romanum Bruno  
venit, discipulis, qui secuti  
eo illumineantur,

a

b

c

d

e

Cartusiam ut  
repetant sua-  
det,

48

**E**t deinde a beato Hugone episcopo benedictione suscepta, Romanum accessit a. Urgebat enim Apostolicum imperium. Quem Pontifex, de ejus, quem intime diligebat, adventu plurimum gaudens, benigne suscepit, et inter primos et præcipios sibi peculiares ac familiares consiliarios, et fideles amicos habuit. Cujus in majoribus causis et arduis Ecclesiæ negotiis utebatur et adhærebat consilii. Convenerunt autem ad eum, Spiritu Sancto hoc operante, cæteri fratres omnes b, qui prius cum eo in Carthusia fuerant, dolentes plurimum, ipse vero magis, quod locum prædictum Carthusiæ, quem Dominus sibi elegerat, et in quo dignum illi habitaculum construxerat c, reliquisten. Dum enim eis in mentem venirent, non sicut murmuratoribus illis in deserto, carnes, cucumeres, aut pepones, sed devotæ illæ meditationes, orationes, lectiones, et spiritales consolationes, quas prius in solitudine prædicta Carthusiæ haberant; et viderent tumultus, strepitus, et pericula curiæ, non poterant se a lachrymis contine.

48 Tandem vero suasu et inductione ejusdem beati Brunonis, cum nondum posset ipse pro se licentiam seu commeatum redeundi a Pontifice obtinere, tanquam illi in tunc occurrentibus negotiis necessarius, omnes unanimiter consenserunt ad Carthusianum reverti, obtentis prius ab eodem summo Pontifice literis ad prædictum abbatem Siginum pro restitutione dicti loci d; quem illi beatus Bruno inde discedens (ut jam dictum est) remiserat. Magistro itaque Lauduino, quem cæteris fratribus beatus pater Bruno in Priorem loci sui præposuerat e, ductore, omnes Carthusiam repetiverunt. Quibus Siginus abbas rogatu summi Pontificis

ejusdem beati Brunonis, cum consensu sui conventus et in præsencia præfati beati Hugonis Gratianopolitani episcopi, ei alterius Hugonis Lugdunensis archiepiscopi, locum prædictum Carthusie libere remisit f; ac juri eorum et successorum eorumdem tradidit perpetuo possidendum. Et ex tunc dictus Lauduinus Prior, et cæteri fratres ac eorum successores usque in præsentem diem dictam eremum Carthusie cum suis finibus et juribus tenuerunt et posseverunt, perseverantes in ea sub communi obedientia capitulo generali totius Carthusiensis Ordinis, quod ibidem annis singulis celebratur juxta vivendam normam ab eodem beato Brunone primo, et deinde a cæteris Carthusiæ Prioribus, et a dicto generali capitulo eis data g.

49 Dictus vero beatus Bruno eidem Urbano Pontifici charus, in regime Ecclesie utiliter et fideliter inserviebat. Erat enim tunc Ecclesia in turbatione maxima propter persecutionem Henrici quarti imperatoris prædicti, qui quemdam Gilbertum, quem Clementem vocavit, de facto in Papatum intruserat h. Qui ambo, Henricus scilicet et antipapa Clemens, verum Pontificem Urbanum persecabantur. Quorum furore idem Urbanus declinans, cum in Romanis (et merito) minime consideret, postquam in Melphi consilium habuisset, Placentiam venit, et ibi aliud concilium celebravit i, in quo inter cætera petulantiam quorundam ecclesiasticorum, Gratiano teste, animosissime compescuit. Et plura in eos decreta fecit, maxime contra ecclesiasticos incontinentes et simoniaeos, et contra proprietarios et instabiles monachos k. Deinde nec ibi securus, ejusdem imperatoris iterum furorem fugiens, relicta Italia, in Gallias transmigravit l. Ubi denuo de salute fidei cogitans, aliud concilium apud Clarumontem, civitatem Alvernorum, convocari fecit, in quo, eodem Gratiano teste, plures alias constitutions ordinavit, quæ ad erigendum labentis Ecclesiæ statum respicere videbantur. Et inter cætera statuit, ut Hora beate Marie a clericis quotidie dicerentur, et ut in Sabbatis eius Officium solemniter celebraretur m.

50 Legi autem in quadam historia, quæ Fasti temporum dicitur, quod hoc beata Virgo fratribus in Carthusia revelaverat, haud dubium, quin beato Brunoni et ejus sodalibus, cum ipsi soli adhuc Carthusienses dicerentur n. In eodem etiam concilio rem memoratu dignam facit. Nam principes Galliæ, et cæteram multitudinem, qua ad concilium convenerat, ad expeditionem contra Turcas pro recuperatione Terra Sancte taliter animavit, ut trecenta milia hominum nomen suum in militiam Christi dederint, signumque crucis suscepissent. Inter quos erat Gotfridus de Builhon, dux Lotharingiæ; quo duces moventes per Germanorum fines atque Pannoniam, Bizantium vadunt, ac deinde, transmissio Helleponio, Nicæam primo, mox Antiochiam, et plures alias Saracenorum urbes, deinde Hierosolymam civitatem Sanctam, et omnem circa regionem capiunt o. Ubi dum vellet Christiani dictum Gotfridum in regem coronare, renuit ipse, dicens, se nolle auream ferre coronam in ea urbe, ubi Christus spineam tulerat p. Tenuerunt autem dictus Gotfridus et septem aliij reges Christiani post eum annis octoginta octo dictum regnum Hierosolymatum q, devictis Babyloniis et Aegyptiis, cum magna infidelium strage, et maximo incremento nominis

cumque consi-  
llis Urbanum  
Papam, qui  
Melphi et Pla-  
centiae, ac dein  
etiam

h

E

i

k

l

Claramonte in  
Gallia conci-  
lium celebra-  
vit,

n

o

p

q